

# 2018-2019

## WISEN EWE CHON SUKUUN ME AN PWÜÜNG



Christy Perry, Superintendent

Ekkewe sukuun non Salem-Keizer 24J rese awora apaap ika nifinifin aramas anóngónóng won sókkun, ónuwan, chon ian, niemet, terin me ierin ar repwe fiti ekkewe sakkun mwókütüküt me prokram an ekkei sukuun. Ekkei ónnuk ra chok otoura masowen ewe ónnukun federal (pachonong TickleIX); ren porausen ekkei ónnuk won nifinifin aramas me kapas eis, kopwe ngeni ewe Compliance Officer, Executive Director non ewe Human Resources Office a nom 2450 Lancaster Dr. NE Salem, OR 97305. Phone: 503-399-3061

# MÖNAPEN PORAUSEN EMMIRIT

(Pwuken unusen ekki önnuk me ótóót ren angangen emmirit ina mei wor non ew me ew ekkena ofesin sukuun ika won an ei kinikin na website.)

Ekkei önnuk me ótóót ra för ar repwe tumwunu tumwunun, wisen me an ewe chon sukuun pwüüing, sam me iin me chon angang. Ekkei epwe fis ngeni ewe chon sukuun nupwen a föri sórosórun nupwen an nomw:

1. Won ewe nenien sukuun me mwen kunókun sukuun, atun sukuun, ika murin kunókun sukuun.
2. Non ekkewe fansoun mei wor mettoch ika mwökütüküt mei fis mei nomw fan emwenien ewe sukuun me mwen sukuun, atun sukuun ika murin sukuun, pachonong field trip me kunow me mwökütüküt non ew ekkewe sóópwa ika state.
3. Sái ngeni me seni sukuun ika ngeni och mettoch ika mwökütüküt mei nomw fan emwenien ewe sukuun.
4. Won ewe nenien sukuun ese pwan nifinifin inet nupwen mei wor ew mwökütüküt non ewe sukuun fan emwenien ewe sukuun.
5. An fiti sukunen summer ika pwan ewe sukuun.
6. Me nukun pwunun ewe sukuun ika pwe sórosórun we mei eniwokusu, efeiengawa chon sukuun, chon angang ika pisekin ewe sukuun.

Pwan ew, ewe chon sukuun mei tongeni epwe nó ngeni ewe counselor, ewe CARE Team, me ewe Youth Services Team ika Threat Assessment Team.

FÖFFÖR MI MWAN	NIWININ FÖFFÖR EPWE KANAPÖNÓ ITEITEN AN CHON SUKUUN FORI MI NGAW <i>Ukükün niwinin an emon föfför epwe tou anóngónóng won sakkun föfför mi mwan e föri, ierin me met mi piin föri mi ngaw anein an fiti sukuun.</i>
<p><b>kawet ika nini ngeni inis</b> – Akkota, me sinei an epwe efeiengawa me emeteki emon aramas.</p> <p><b>Sórosór mi póchökun (Opwuchöw)</b> – Ekkoch sórosór me nukun ekkewe mei chommong mei föri ngeni emon ren an fati ika chepeti, awata, ku, tiini, chutoni, pisiri me föri an epwe feiengaw.</p>	<ul style="list-style-type: none"> <li>• Emon chon sukuun mei efeiengawa emon aramas esapw niwiniti an we class tori an epwe awesi öpwungun kewe me mei tongeni an epwe mwet ngeni pwan ew class ika sukuun an ewe sukuun a fini.</li> <li>• Poraus ngeni sam me iin.</li> <li>• Asösö seni sukuun non fansoun mwochomwoch chok mei tongeni nó ngeni 10 ran.</li> <li>• Eniwini ika siwini met ewe e atai.</li> <li>• Nó ngeni ponis.</li> <li>• Sópwenó ne asösö seni sukuun me ekieki an epwene tou seni sukuun.</li> <li>• Check ren tokter nge sam me iin repwe wisen möni.</li> </ul>
<p><b>Enniwa ika eniwokusu</b> – Enniwa emon aramas ren an apasa ika mak ngeni pwe epwe efeiengawa.</p> <p><b>Eriani, Echimw Me Afanga</b> – Ese nifinifin sakkun pwom me osukosuka an ewe aramas káo ika sukuun, mei fis won pwunun ewe sukuun, ika non ekkewe urumwot mei nomw fan emwenien ewe sukuun, ika won ekkewe sein sukuun ika non menni ekkewe nenien sousou sein sukuun ese pwan nifinifin; me onuwokusu emon an ereni epwe efeiengawa me atai pisekin ewe aramas; ika föratá an ewe aramas káo epwe osukosuk minne mei esenipato an epwe weires, nuwokus, saaw, osukosuk ika riaffou.</p>	<ul style="list-style-type: none"> <li>• Poraus ngeni sam me iin.</li> <li>• Mwich won angangen atawei ei osukosuk.</li> <li>• Saspén non sukuun nge epwe wor met epwe föri non sukuun.</li> <li>• Saspén ika asösö seni sukuun mei tongeni epwe ukukun 10 ran nge mei wor met epwe föri. Ren ekkewe chon sukuun non mwichen 5 ika <u>kükkünutiw</u>, katon ena kinikin 3.3.3 ena era pwe Emmirit <u>Students INS-P028</u>.</li> <li>• Nó ngeni ponis.</li> <li>• Mwich ngeni sam me iin me mwen ewe chon sukuun epwe niwiniti sukuun.</li> <li>• Sópwenó chok ne saspén me ekiek won an epwe tou seni sukuun.</li> <li>• Check ren tokter nge sam me iin repwe wiseni möni.</li> </ul>
<p><b>Sórosór mi Osufönungaw Ngeni inisin Emon</b> - An emon echimwa emon an epwe nisou ngeni, me pwan an epwe makkei, pwomweni are fen apasa met mei osufönungaw ngeni inisin emon minne mi tongeni osukosuka an káo ika an emon fiti ekkewe urumwot, ika föratá osukosuk ngeni ewe nenien káo.</p>	
<p><b>Kopot, nifinifin aramas</b> - Ew nuku pwe chon ewe fönu re nap seni ekkoch pwan sökkun aramas, me ra nöunöu ekkoch fóos, me mwökütüküt ar repwe pwaranó ar na nuku.</p>	

<p style="text-align: center;"><b>FÖFFÖR MI MWÄN</b></p>	<p style="text-align: center;"><b>NIWININ FÖFFÖR EPWE KANAPONO ITEITEN ÄN CHON SUKUUN FÖRI MI NGAW</b></p> <p style="text-align: center;"><i>Ukükün niwinin an emon föfför epwe tou anóngónóng won sakkun föfför mi mwan e föri, ierin me met mi piin föri mi ngaw anein an fiti sukuun.</i></p>
<p><b>Nukumach</b> – Ikkei ekkoch me nein chómóng föfförün nukumach: annea sonap ika asórongorong ngeni meinapen non ewe sukuun; non fóos, inis, tunochif me osufónungaw; osukosuka ekkewe class ese pwan nifinifin menni, sukuun ika ekkewe urumwot mei nomw fan tumwunuwen sukuun; sórosór mei förata feiengawen ewe chon sukuun ika ekkewe ekkoch me ika nó ngeni ofes fan chómóng faniten sórosórun kewe.</p>	<ul style="list-style-type: none"> <li>• Ömwökutu seni ewe classroom me ekkewe urumwot ika mwökütüküt an ewe kinikin.</li> <li>• Kökköri me mwich ngeni ekkewe sam me iin.</li> <li>• Nómwetiwi, saspén non sukuun.</li> <li>• Saspén ika asósó seni sukuun ngeni 10 ran fiti fengen me föri eoch mettoch fan iten sukuun ika fen saspén chok non sukuun. <u>Ren ekkewe chon sukuun non mwichen 5 ika kükkünütüw, katon ena Kinikin 3.3.3 me fan ena era Emmirit;Students INS-P028</u></li> <li>• Sópwosópwonó chok ne saspén fiti fengen me ekiek won an epwe tou seni sukuun.</li> </ul>
<p><b>Pisekin efeiengaw</b> – Anamwu ika isois, amómó, are awora ika fen pwan ach sipwe kuna sakkopaten pisekin efeiengaw ika ese pwan nifinifin met sokkun nge mi tongeni epwe awora are efisi an epwe nöunöu ne ameteki are nielo emon, me ika ese pwan namot ngeni masowen sukuun.</p>	<ul style="list-style-type: none"> <li>• Angei seni ewe pisek e ää ne föri ewe föfför.</li> <li>• Kökköri me mwich ngeni sam me iin.</li> <li>• Ngeni ponis repwe angang won.</li> <li>• Sópwosópwonó chok ne saspén fiti fengen me ekiek won an epwene tou seni sukuun.</li> </ul>
<p><b>Ekkewe mei chok wewe ika taitap ngeni Pisekin Efeiengaw</b> – Isois, uwow ngeni, amómó ika pwari ekkewe sakkun pisek mei tongeni an epwe pwan pisekin efeiengaw ussun met mei affat me non önnuk me ika pwe esapw namot me esapw ew mettoch ewe chon sukuun epwe ää ren pekin sukuun.</p>	<ul style="list-style-type: none"> <li>• Angei seni ewe pisek e ää ne föri ewe föfför.</li> <li>• Kökköri me mwich ngeni sam me iin.</li> <li>• Saspén non sukuun.</li> <li>• Saspén mei nó ngeni 10 ran. <u>Ren ekkewe chon sukuun non mwichen 5 ika kükkünütüw, katon ena Kinikin 3.3.3 me fan ena era Emmirit;Students INS-P028.</u></li> <li>• Ngeni ponis repwe angang won.</li> <li>• Sópwosópwonó chok ne saspén fiti fengen me ekiek won an epwene tou seni sukuun.</li> </ul>
<p><b>Sakaw me ekkewe ekkoch safei</b> – Isois, kamo, ää ika fen sakaw me pwan ngasaranong ekkewe safei mei efeiengaw mi moromor, ika ekkewe sakkun safei mei affat me non ewe önnuk Uniform Controlled Substance Act, ORS 475.005. Isois ekkewe pisekin drugs (safei), me ekkewe sakkun safei ussun chok me ika fen asókonói ään.</p>	<ul style="list-style-type: none"> <li>• Angei seni ewe pisek e ää ne föri ewe föfför.</li> <li>• Kökköri me mwich ngeni sam me iin.</li> <li>• Ngeni ponis repwe angang won.</li> <li>• Saspén non sukuun ika nukun sukuun mei tongeni epwe tori 10 ran. <u>Ren ekkewe chon sukuun non mwichen 5 ika kükkünütüw, katon ena Kinikin 3.3.3 me fan ena era Emmirit;Students INS-P028.</u></li> <li>• Sópwosópwonó chok ne saspén fiti fengen me ekiek won an epwene tou seni sukuun. <u>Ren ekkewe chon sukuun non mwichen 5 ika kükkünütüw, katon ena Kinikin 3.3.3 me fan ena era Emmirit;Students INS-P028</u></li> <li>• Mei tongeni an epwe fiti ekkewe pwan ekkoch sukuun faniten an epwe pese seni met ekkewe sakkun föfför mi ngaw mei föfföri nap seni an epwe angei chappen met ewe e föri.</li> </ul>
<p><b>Sakaw me ekkewe ekkoch safei</b> – Amómó, eineti ika isois sakaw fan iten amómó me pwan ekkewe safei mei moromor mei efeiengaw; ika ese pwan nifinifin ekkewe safei mei nom non ewe önnuk Uniform Controlled Substance Act, ORS 475.005 nge esapw chok ikkena, pachonong ekkewe safei ussun chok napanapen ekkewe ekkoch me pwan sakkono ään seni met mei mak seni doctor ika ekkewe ese pwan wor taropwen meren tokter.</p>	<ul style="list-style-type: none"> <li>• Angei seni ekkei pisek e ää ne föri ewe föfför mi mwän.</li> <li>• Esine ngeni me mwich ngeni sam me iin.</li> <li>• Ewe meinap epwe ngeni och mettoch epwe föri .</li> <li>• Saspén non ika nukun sukuun ngeni 3 ran. <u>Ren ekkewe chon sukuun non mwichen 5 ika kükkünütüw, katon ena Kinikin 3.3.3 me fan ena era Emmirit;Students INS-P028</u></li> <li>• Ngeni ponis repwe angang won.</li> </ul>
<p><b>Supwa ika ekkewe mettoch mei wor supwa non</b> - Kooii, isois, amómó, kamo, uwow ngeni, eineti, ika ää supwa. Mei pwan pachonong ekkewe ussun chok supwa me ekkewe mei wor supwa non me ekkewe safei mei kawor pwe supwa me pisekin supwa.</p>	<ul style="list-style-type: none"> <li>• Angei seni ekkei pisek e ää ne föri ewe föfför mi mwän.</li> <li>• Esine ngeni me mwich ngeni sam me iin.</li> <li>• Ewe meinap epwe ngeni och mettoch epwe föri .</li> <li>• Saspén non ika nukun sukuun ngeni 3 ran. <u>Ren ekkewe chon sukuun non mwichen 5 ika kükkünütüw, katon ena Kinikin 3.3.3 me fan ena era Emmirit;Students INS-P028</u></li> <li>• Ngeni ponis repwe angang won.</li> </ul>
<p><b>Fiti sakkun - Etiwano sukuun ese mwumwuta</b> - ese nifinifin atun an etiwano sukuun nge ese wor mwumwutan meren ekkewe sam me in ika ion ewe a wiseni wisen sam me iin ngeni ewe semirit.</p>	<ul style="list-style-type: none"> <li>• Esinesin ngeni sam me iin.</li> <li>• Ewe meinap non ewe sukuun epwe fori ew etipe ew ren fifiti sukuun.</li> <li>• Mwöchutiwi non sukuun ika saspén non sukuun.</li> <li>• Ngeni ponis repwe angang won.</li> <li>• Epwe ripit faniten ese naf an credit.</li> </ul>
<p><b>Fiti sukuun - Mang ngeni sukuun</b> - Ese nifinifin atun an etiwano sukuun nge ese wor mwumwutan meren ekkewe sam me iin ika ion ewe a wiseni wiseni wisen sam me iin ngeni.</p>	<ul style="list-style-type: none"> <li>• Esinesin ngeni sam me iin.</li> <li>• Ewe meinap non ewe sukuun epwe fori ew etipe ew ren fifiti sukuun.</li> <li>• Mwöchutiwi non sukuun ika saspén non sukuun.</li> <li>• Ngeni ponis repwe angang won.</li> <li>• Epwe ripit faniten ese naf an credit.</li> </ul>

<p style="text-align: center;"><b>FÖFFÖR MI MWÄN</b></p>	<p style="text-align: center;"><b>NIWININ FÖFFÖR EPWE KANAPONO ITEITEN ÄN CHON SUKUUN FÖRI MI NGAW</b></p> <p style="text-align: center;"><i>Ukükün niwinin an emon föfför epwe tou anóngónóng won sakkun föfför mi mwan e föri, ierin me met mi piin föri mi ngaw anein an fiti sukuun.</i></p>
<p><b>Kek</b> – Ese nifinifin föfförun kek ika an epwe kek.</p>	<ul style="list-style-type: none"> <li>• Angei seni ewe pisek e ää ne föri ewe föfför.</li> <li>• Kökköri me mwich ngeni sam me iin.</li> <li>• Ngeni ponis repwe angang won.</li> <li>• Siwini ika eniwini sefani met e angei.</li> <li>• Atou seni ekkewe urumwot ika mwökütüküt an sukuun tori an epwe eniwini ngeni emon newe pisekin ewe ika omusomus.</li> <li>• Saspén seni sukuun mei tongeni nó ngeni 10 ran. <u>Ren ekkewe chon sukuun non mwichen 5 ika kükkünütüw, katon ena Kinikin 3.3.3 me fan ena era EmmiritStudents INS-P028.</u></li> <li>• Sópwosópwonó chok saspén fiti kökkótun an epwene touu seni sukuun.</li> </ul>
<p><b>Computer Network me Internet</b> - Ese pwan nifinifin nönöwun computer ren och mettoch ese namot ika nönöw fan iten an epwe eniwokusu ewe sukuun pwe epwe atai pisekin ika fen efeiengawa chon angang, ika osukosuka ekkewe prokram an ewe kinikin, me ekkewe computer, ussun met a awewetiw me non ewe District Policy INS-A004.</p>	<ul style="list-style-type: none"> <li>• Esinesin ika kökköri sam me iin.</li> <li>• Kouno ne nönöuw ekkewe pisek non ukukun 30 ran.</li> <li>• Saspén non sukuun.</li> <li>• Saspén mei tongeni nó ngeni 10 ran. <u>Ren ekkewe chon sukuun non mwichen 5 ika kükkünütüw, katon ena Kinikin 3.3.3 me fan ena era EmmiritStudents INS-P028.</u></li> <li>• Esapw fokkun chiwen nönöuw ekkewe pisek.</li> <li>• Ngeni ponis repwe angang won.</li> <li>• Sópwosópwonó chok ne saspén fiti fengen me ekiek won an epwene touu seni sukuun.</li> </ul>
<p><b>Atai me Sonani pisekin emon</b> - Ekieki an epwe atai ika fen atai ewe nenien sukuun ika pisekin ewe sukuun me sonani pisekin ewe sukuun me pisekin aramas pachonong an ese tumwunu ekkewe pwuuken sukuun, locker me nóók.</p>	<ul style="list-style-type: none"> <li>• Kökköri sam me iin.</li> <li>• Eniwini pisekin emon kewe.</li> <li>• Saspén non sukuun.</li> <li>• Saspén mei tongeni nó ngeni 10 ran. <u>Ren ekkewe chon sukuun non mwichen 5 ika kükkünütüw, katon ena Kinikin 3.3.3 me fan ena era EmmiritStudents INS-P028.</u></li> <li>• Tou seni ekkewe urumwot tori epwe niwin ekkewe pisek.</li> <li>• Sópwosópwonó ne saspén fiti fengen me ekieki an epwene touu seni sukuun.</li> <li>• Ngeni ponis.</li> <li>• Ekkewe sam me iin repwe möni an epwe chek ren tokter.</li> </ul>
<p><b>Niwinimang me pakking ese kamötiw, me ika ese siwin ekkewe pisek mei ta, me eniwini ekkewe mei poutuno.</b></p>	<ul style="list-style-type: none"> <li>• Kökköri sam me iin.</li> <li>• Uwei ngeni ekkewe chon angei niwinimang ika fen pwan ngeni ponis.</li> </ul>

## SASPEN (KOUNÓ SENI SUKUUN NON FANSOUN MWOCHOMWOCH)

Ew angangen ömwökutu ewe chon sukuun seni ekkewe imwen sukuun meinisn me seni ekkewe urumwot ika mwökütüküt an sukuun ika ekkewe urumwot mei nomw fan tumwunuwen ewe kinikin, pachonong fiti urumwot ika sein sukuun esapw napeseni engon ran (ranin sukuun). Non ruu ran chok me murin an ewe meinap non ewe sukuun a öpwungano an ewe chon sukuun epwe saspén, ekkewe sam me iin ika ewe chon tumwun ra tongeni ar repwe amweta ngeni ewe Superintendent ika ewe a finata metewe a pwungunó. Ewe meinapen non ewe neni epwe nengeni ewe taropwe me ika akkókow ew arongorong, me wauu met a finata non 3 ranin sukuun seni ewe fansoun a tonong ewe tungor. Ruu ran me murin an torir met ewe a pwunguno, a pwan wor ar pwüung ar repwe amweta ngeni ewe Board ika Soupung ar repwe pwan angang won metewe ewe Superintendent a finata.

## TOUU

Ese fokkun nifinifin ion chon sukuun mei atai an ewe kinikin kewe pwüung me önnuk epwe touu seni sukuun. Ewe mwichen Soupung non ewe sukuun ika ekkewe ra wisen finata iir repwe wisen opwungano an ewe chon sukuun epwe touu me non ewe sukuun me met masowen ewe sukuun, sein sukuun, me pwan ekkewe urumwot me mwökütükütin sukuun nge esapw napeseni ew ier.

ika pwe mei wor terin ewe chon sukuun, me mei mangonó ika witiwitino

angangen nengeni ika tessini, nge a föri ew ekkéi föfför minne a pwunguno pwe epwe touu seni sukuun ren, nge me mwen an epwe fis ei ötoot an epwe touu seni sukuun, iwe epwe akkoumw wor öpwüungüpwüung won ika epwe fen seni osukosuken inisin ei e föri ren ei föfför.

Ewe chon sukuun a wor kökkót won an epwene touu seni sukuun epwe akkoumw wor an arongorong mwen mesen ewe Hearing Officer; ei arongorong epwe fis anóngónóng won met masowen ewe önnuk ORS 332.061 me pwan ussun met mei mak non ewe district policy and procedures pwe ewe Meinap ika Superintendent mei tongeni pusin eni ei arongorong. Ewe chon sukuun mei tongeni pusin awora nön chon aninis nge epwe pusin möni. Me mwen epwe fis ena arongorong, ewe chon sukuun ika inan me seman ika ewe a wisen tumwunu ra tongeni ar repwe katon ika nengeni ekkewe taropwen pwarata ika pisekin pwarata mei katonong seni ewe sukuun. Mei mwumwu ngeni ewe chon sukuun an epwe pwarata non kapas, mak, me pwan ekkoch pisekin pwarata. Pwüungün ei arongorong epwe chok nong won ekkewe pisekin pwarata mei katonong non ewe arongorong. Ewe chon nemeni ei arongorong epwe makkei non taropwe met a finata pwe pwüungün ewe arongorong nge epwe föri non 24 awa seni ewe atun a fis ei arongorong. Ika pwe e kawor ei taropwe non 5 ran atun sukuun ika e fen för non ukükün 7 ran me murin an sukuun a wes fan Suun, iwe ekkewe sam me iin ika ewe chon tumwun ika pusin ewe chon sukuun a ierini 18 epwe tungor an epwe wor amwet fan iten ewe mwichen Soupung repwe katon ewe taropwen finata seni ewe a nemeni ewe arongorong nge repwe ammasowa ewe taropwen Notice of Appeal seni an ewe meinapen ewe neni we ofes. Ei taropwen amwet epwe nom non an ewe Superintendent (meinapen ewe neni) we ofes.

## SIWINI

Anóngónóng won met meinapen ewe sukuun a finatá, emon chon sukuun e atai masowen an ei kinikin we önnuk ren pisekin efeiengaw ika safei ika sakaw, mei tongeni epwe fiti ewe District's Diversion Programs (ew ötóót ewe chon sukuun epwe fiti me nukun an epwe touu seni sukuun).

## WISEN CHON SUKUUN ME AR PWÜÜNG

### MWICHENAP AN CHON SUKUUN

Ewe Kinikin 24J mei affona an chon sukuun pwüüng ar repwe mwimwich. Nge mei öch an epwe fat, faniten mei chommong ekkewe sukuun a kon wuur me mei föratá an epwe naffangaw neni. Ioien chon sukuun ika mwichengenin chon sukuun epwe fan iten chok sukuun, esapw osukosuka ekkewe class, esapw pwan efeiengawa emon aramas ika pisek. Mwe mwen an epwe kan wor kochufengen an chon sukuun, iwe repwe akkoumw tungorei ewe principal, iwe pwungun epwe pwan tori ekkewe chon sukuun inet a tufich ngeni.

### PASIKEN, SKATEBOARD ME SCOOTER

Ese fokkun nifinifin ngeni ion chon sukuun mei tongeni wawato pasiken ngeni sukuun. Nge, mei chok öch ewe chon sukuun epwe sinei önnukun me tumwunun wawa pasiken. Met ekkei mei tettenitiw fan sópwasópwan chok masowen ewe önnuk ren wawa pasiken:

1. Ewe önnukun Oregon ORS 814.485 faniten ekkewe akkawen pasiken, mei tichiki emon semirit seni ier kükün feita won ier 15 an epwe imweimw ekkewe akkawen pasiken mi mwumwuta nupwen an wawa pasiken non ekkewe neni mei suuk ngeni aramas-ren won aan, nepekin aan, me non ekkewe nenien kukkunow (park).
2. Esapw wor wawa pasiken won pwunun ewe sukuun atun kunókun sukuun ika atun kunókun an sukuun kewe mwökütüküt ekan fis murin sukuun.
3. Ese mwumwuta ökkörüwemón won efoch pasiken.
4. Ewe principal ika chon angangen non ewe sukuun ika sam me iin repwe ngeni ewe chon sukuun niwinin an atai ekkei önnuk.
5. Sia öuröura ekkewe chon sukuun ar repwe nókei war kewe pasiken ngeni ekkewe mecha. Ewe chon sukuun epwe pwusin weweiti nge tumwunun wan we a pusin nonom ren ina pwata epwe fokkun förifichi tumwunun nenian.

Ese nifinifin iö chon sukuun mei tongeni wawato skateboard ika scooter ngeni sukuun. Nge, mei öch pwe ekkewe chon sukuun re kan wawa skateboard ika scooter repwe sinei me föri ekkewe önnukun wawa skateboard ika scooter. Met ekkei mei tettenitiw fan sópwasópwan chok masowen ekkewe önnuk:

1. ORS 814.600 ika ewe önnukun Oregon ren akkaw faniten chon wawa skateboard me scooter, a tichiki ar repwe imweimw ekkewe akkaw mei tumwunu chamwer seni feiengaw.
2. Ese mwumwuta wawa skateboard me scooter won pwunun ewe nenien sukuun. Nupwen ewe chon sukuun epwe tori pwunun ewe sukuun, iwe epwe pwiniti me uwei wan we skateboard ika scooter.
3. Chon sukuun resapw wawa war kewe skateboard ika scooter unukun ekkewe sein sukuun (pas).
4. Ewe principal ika chon angang epwe wau niwinin wawa ngaw ika osuföngawawa ekkewe önnuk.

### NENIEN SUKUUN MEI KESIP

Ewe Kinikin a fokkun tichiki an chon sukuun repwe nomwetiw won pwunun ewe nenien sukuun atun kunókun sukuun, tiwan chok ren met popun mi öchea. Meinisín chon sukuun repwe nom won pwunun ewe neni seni ewe atun ra war nesosor tori atun a sár sukuun. Ei fansoun mei pachonong kunókun neónowas, tiwan chok ekkei: feino ngeni neiimw

## PWAN EKKOCH KÄEÖ

Ion chon sukuun a touu seni sukuun me non ei kinikin epwe torir porausen ekkewe ötóót ren ekkoch pekin käeö mei för an epwe awora sakkopaten mettoch, fansoun, ika anen osukuun iir mei tongeni fiti nupwen ar touu seni sukuun.

fan iten mwöngön neónowas me niwiniti sukuun ussun met mei wor tungorun seni ekkewe sam me iin, föri ökkunör ika nó ngeni ar kewe appoinmen sam me iin ir mei fen tungor fan itan, me föri ewe prokram mei fen kókkót meren ewe sukuun, ussun ren work study ika angang fan iten sópwasópwan chok käeö ika sukuun. Ekkewe chon sukuun repwe angei ar mwumwuta seni ewe ofes me mwen ar repwe nó seni pwunun ewe nenien sukuun atun sukuun.

Ew Campus ika nenien sukuun mi suuk- (INS-P024) ese tichik ngeni ekkewe chon sukunen high school non Salem-Keizer ar repwe angei ar mwöngön nanowas nukun ewe nenien sukuun, nge epwe pwüngünó seni ekkewe nouwis non ewe sukun me ewe a wisen nemeni mwökütükütün high school anóngónóng won nöur kewe application iteiten ier.

### ANGANGEN OTUTUR (ADM-P008)

Ei kinikin a pwon pwe epwe muttir ne angang won ekkewe otutur, awenewen ngeni ekkewe poraus, nge epwe poputa won ewe sukuun ika putai ei otutur a weneiti. A men fokkun öchea an epwe wor poraus fengen non ei atun mei fis ei angang pokiten epwe wor an ewe epeek epwe weweiti wisen emon me emon. Inet chok a tufich, meinisín ekkewe otutur repwe tourunong me katou non ewe sukuun ika putai, pwan tori ekkewe nenien aninis mei affat me non ewe District's Complaint Procedure (ADM-P008). A wor ekkewe taropwen otutur me won an ei kinikin we website. Angei katakin ika osukosuk ngeni iö we mi pwung e föri ewe otutur mei atai önnukun ewe Kinikin Sukuun Salem-Keizer.

### EKKWE SAKKOPATEN MECHÄ FIFI ME INTERNET MEI KAWOR FANITEN PEKIN SUKUUN (INS-A004)

Emon chon sukuun ierin mei kukkun seni 18 ier mei tongeni an epwe nöunou computer me non ekkewe sukuun non Salem-Keizer, tiwan chok ika pwe inan me saman ika ewe chon tumwunu rese mwutata ren ar amasowa ewe taropwen esapw nöunou kompiuter (INS-F048). Ewe Kinikin ika Neni epwe pinei seni an epwe nöunou computer me esine ngeni ponis ika pwe e atai ewe önnuk (*District policy*).

### SÓRÓSÓR WON EKKWE SEIN SUKUUN

Ekkewe chon sukuun ir mei fiti ekkewe sein sukuun repwe öpwönuweta ewe önnuk District Procedure TRN- P036. Emon chon sukuun epwe chok sópwenó ne fiti ekkewe sein sukuun ika e föri pwüngün ewe District Discipline Policy and Procedures (önnuk).

### AN SAM ME IIN PWÜÜNG-WON EWE CHON SUKUUN

Ewe kinikin epwe ngeni noun ewe chon sukuun Taropwen sukuun ngenir me ruemon ewe sam me iin ika iö we a wisen tumwunu ewe chon sukuun ussun met mei affat me non ewe önnuk INS-P022 faniten ar pwüüng, me nukun chok ika mei wor taropwen pwaratá ngeni ewe kinikin seni köpwung, önnuk seni ewe mwüü, ika taropwen önnuk fan iten mufesen, imwufesen ika fan iten ion a wisen anamwu ewe semirit mei tongeni epwe pinei ekkei pwüüng. Ekkewe sam me iin rese anamwu ewe semirit repwe ngeni ewe sukuun ar address epwe titino taropwe ngeni.

Ewe önnukun Oregon ORS 107.154 (1) me (4) a apasa pwe inamwo ika met a touu seni köpwung, fan iten emon me nein ekkewe sam me iin epwe



wisen anamwu ewe ika ekkewe semirit, nge mei chok wor ar pwuung me ruemon ar repwe:

- Katon me angei porausen nōun we me kökkōri ekkewe chon angang an epwe sinei nonōmwun nōun we me an sukuun ussun chok met ewe emon mei wisen anamu ewe semirit mei kan föfōri.
- Mwutatai angangen safei mei weiweita ika atapwanapwan, pekin ngii, ekkewe ra wisen angang ngeni pekin ekiek ika nōnōmwun, ekkewe ra wisen angang ngeni pekin mei umwes ika osukosuken ekiek me pwan ekkewe ekkoch pekin aninis ren inis ika pwe ewe emon sam ika iin e anamwu ewe semirit ese nom.

Emon chon sukuun ese tongeni an epwe fiti emon epwe era pwe ii ewe chon anamwu ewe semirit tiwan chok ika pwe ewe sam ika iin mei makkei itan me epwe pwan pwarata pwe mei wor nōun taropwe seni ewe mwuun Oregon fiti fengen me noun ID.

## ÜÜF ME NIMENIMEN INIS (INS-A025)

A ouchea wisen ewe chon sukuun me kewe iin me sam ren pisekin ika ufen me nimenimen ewe chon sukuun ren faniten an epwe murinno me pwonuweta ewe angangen kääö an ekkewe chon sukuun. Nupwen epwe wor osukosuken ewe nenien kao faniten ufen me nimenimen ewe chon sukuun, iwe epwene wor chuffengen an ewe sukuun me ekkewe sam me iin.

Sukuun epwe angei seni chon sukuun ekkewe sakkun üüf ika pisek tori ekkewe niouten inis ika pwe mei atai ewe onnukun uuf me nimenimen inis. Awewe ren ekkena sakkun üüf mei ngaw, ekkewe uuf mei anemesengaw mei seneno ese kon pwonuweno en inis; pwarata, föósei, ika pesei unumi supwa, ekkewe mettoch mei wor supwa non, safei, sakaw, kapesen koput ika aimwumwu ngeni ekkoch aramas, osufōnungaw (echimw); ika niosun nisou. Pwan ew, ewe sukuun epwe pangei angei seni emon chon sukuun ekkewe üüf mei fout ika chungga pisekin effeiengaw ika ekkewe üüf mei pwarata pwe ir chon ew gang.

Ew me we ekkewe sukuun ra tongeni repwe anapano ar kewe önnuk nge repwe akkoumw angei ar mwumwuta seni ewe mwichen Sou öurour me an ewe sam me iin we mwichen öurour ika fon. Ekkewe sukuun iir mei unifom repwe fiti pwüungun an ewe Kinikin önnuk ren pekin unifom (INS - W023).

## PISEK FIFI

Ekkewe pisek mi fifi mei pwan tongeni an epwe och osukosuk ngeni ewe angangen kääö ika ewe nenien sukuun. Ikkei ekkei pisek me nein ekkewe mi chommong: cellular phones, pagers/beepers, waas, me ekkewe sikan rongorong ika eusening ngeni ika minen urumwot me pisek ese wor wewen ngeni pekin sukuun. Chon angangen ewe sukuun repwe ereni ekkei chon sukuun iir mei uwow ekkei pisek ar repwe wanong non ewe ofes. Ewe ofes epwe esinesin ngeni ekkewe sam me iin ar repwe angei. Chon sukuun ir mei tongeni uwow cell phone non ar kewe backpack nge epwe seni an sam me iin mwutata me ika esapw pwan osukosuka non ewe nenien sukuun.

## SUKUUN MEI NÖNÖPÖK IK APÖCH NGENI CHON SUKUUN MEINISIN(ADM-A009)

Önnukun ewe Kinikinin Sukuun 24J pwe esapw wor emon chon sukuun mei sukuun non ewe kinikin esapw pachonong non, ika angei ekkewe aninis ika tufich, ika fen pinepin seni ekkewe pekin aninis fan iten sukuun ika sakkun mwökütüküt mei tou seni ewe sukuun ika mwumwuta seni ewe mwichen soupwung seni ewe sukuun pokiten ierin, terin, ii chon ia, sókkun, önuwen inisin, an namanam, niemet, winin, mei pwupwunu ika nipich ika moni tonong. Chon angangen non ewe Kinikinin Sukuun 24J repwe sopweno ne awora ew pekin kääö esapw wor apaap ika aimwumwu non me oturau ekkewe mettoch mei awora aimwumwu ngeni chon sukuun.

## ÄNFOODSERVICE ÖTÖÓTREN MWÖNGÖ

Ewe Kinikinin Sukuun 24J mei chóni ekkewe prokram National School Lunch me Breakfast programs. Me ruu ekkena prokram ra nom fan

tumwunuwen ewe United States Department of Agriculture (U.S.D.A.). Ewe U.S.D.A. a fen awora ekkoch önnuk ika anapanap fan iten ekkewe sukuun ir mei nom won ei prokram ren ew nein mwöngön neónowas ika nesosor. Ren mwöngön nanowas, chon sukuun repwe mwöngö ekkewe mwöngö meinisin (grain, futuk/ekkei ekkoch siwinin futuk, föunira, iasai, me minik) seni ewe mwöngö mei kawor, nge non ewe önnukun U.S.D.A, pwe chon sukuun ra chok tongeni angei 3 sakkun mwöngö seni ekkewe 5 kinikinin mwöngö, ew epwe esopw kapen föunira ika iasai. Ren mwöngön nesosor, chon sukuun repwe angei 3 sakkun mwöngö seni 4 ekkewe mwöngö mei kawor mei wor 3 ekkewe kinikinin mwöngö non (grain me epwe pwan nemeneman ika epwe pwan angang futuk, föunira ika iasai, me minik). Ew Poraus seni USDA/ODE: Ei neni ew neni mei awora nönöpök ngeni meinisin.

## PWÜNGÜN PWÄRATÄ MEMEF (INS-A029)

Ewe Kinikinin Sukuun 24J a pwan mochen affata me pesei ngeni emon me emon chon sukuun pwe mei wor ar pwüung ar repwe pwarata ika affata mefier. A pwan wor wisen ekkewe chon sukuun ar repwe aninis me pwan sopweno kökkötöchun angangen ika mwökütükütun sukuun.

Ekkewe meinap non ewe sukuun repwe fokkun tumwunöchu pwe chon sukuun ika iö esapw awora ika eineti ekkewe taropwe ika poraus mei ngaw ika osukosuka ewe nenien sukuun. Ekkewe poraus ika taropwe chon sukuun ra makkei esapw wor kapesen angawa ekkoch aramas, osufōnungaw, esit me aimwumwu. Iei minne, me mwen ekkewe poraus me an chon sukuun kewe speech epwe touu, ewe meinap non ewe sukuun epwe akkoumw katon me öpwunganó ika epwe touu. Angangen nengenfichi ekkei poraus esapw pwan witiwitino. Ewe principal non ewe sukuun ii chon cheki, öpwungu, me print ini ekkewe poraus a för me non ekkewe sukuun.

## GANG (KUMI)

Wewen gang, ew mwichen aramas unumön chón ika fen napeseni iir mei chiechi fengen nge mei pwan wor iten ar ei mwich me esisanan pwan önuwan; me iir mei fori föfför mei ngaw. Ekkei sakkun mwicheich ese ketiw me non ekkewe sukuun non ei Kinikin.

Ika pwe emon chon sukuun epwa anapanapeni pwe i emon chon ew gang, ika kuttunong chon ei gang me pwan awora ekkoch mwökütüküt fan iten ei gang me atai ewe önnukun sukuun (District's Code of Policy and Rules), ika pachonong non met ewe gang ra föri mei ngaw, iwe sipwene otoura ngeni ponis me epwe angei niwinin an föfför ika fen atouu seni sukuun.

Ei esapw fan iten ach sipwe pinei an emon epwe förata ika choni ew mwicheich me mwökütüküt ese wor föfföringaw non, nukumach, apaap ika wewe ngeni ew mwicheich mei föfföringaw.

## SARONGAW, ERIAFFÖU, AFANGA, ENIWOKUSU, MESANI WON INTERNET ME EFEIENGAWA CHON SUKUUN (INS-A003)

Pwumen sarongaw, eriafföu, osufōnungawa emon, eniwokus, manangaw, mäsan ika eriani won internet me efeiengawa esapw fis nefinen chon sukuun, chon angang ngeni chon sukuun, ika chon sukuun ngeni chon angang. Ikkei me nein ekkewe masowen ewe önnuk era pwe ew mwichen aramas iir mei tumwun fan önnuk faniten nōnōmwur (protected class status of a person), ren chowean eriaffou, afanga ika eniwokus, me efeiengawa . Awewen protected class ina mei nomw non ewe Administrative Policy INS-A003. Ekkewe chon sukuun repwe fokkun ammasowa ewe form ika taropwe INS-F030 mei wor non ewe ofes, naipreri, me ewe counseling center ika pwe mei fisi ngenir ekkei sakkun osukosuk. Sam me iin, chon tumwun, me iö seni ewe mwichen aramas ra tongeni ar repwe föri nōur taropwen otutur ren ar churi meinapen non ewe sukuun ika föri non ewe napanapen förun otutur ewe mei maknon ewe District policy (ADM-A005) and procedure (ADM-P008). Emon aramas mei tongeni föri echo repot ngeni ewe principal non ewe sukuun nge esapw pwan pwari itan. Meinapen non ewe sukuun epwe nenengeni ekkei repot. Emon aramas mei tongeni

tungorei ewe a wisen nemeni ika tumwunu ewe sukuun an epwe sinei pwungun met ekkewe chon angang ra kutta me sinei won ei ouskosuk mei fis.

Sókósókun emon chon sukuun mei pwaratā an atai ekkei önnuk, epwe angei emmiritin ika öpwungun. Angei katakin won ewe aramas e föri ewe otutur mei atai önnukun ewe kinikin. Emon chon sukuun e tipi ngeni emon non an epwe angei katakin metewe e föri, epwe pwan angei öpwungun.

## SENSUN HIGH SCHOOL (INS-A014)

Ekkewe chon sukuunen high school mei fiti ekkewe urumwot repwe öpwönuweta ekkewe önnuk an ei kinikin (District Policies and Rules). Non ekkei önnuk mei pachonong supwa ika ekkewe mettoch mei wor tamak non, sakaw me ekkewe ekkoch sakkun safei mei ngaw emon chon urumwot esapw angei poputa seni non ewe ewin ran a poputa ne fiti ika pachonong non ekkei urumwot tori ömwuchunon ewe ierin sukuun me pwan ekkewe ier epwe feito nge mei chok chiwen nom non ekkei pekin urumwot non ekkewe sukuun non Salem-Keizer. Pöchökunen ei önnuk a fis non unusen ew ran ika 24 awa, non unusen ewe ierin sukuun. Ion nein ekkewe chon urumwot epwe atai ew ekkewe önnukun urumwot epwe angei niwinin ussun chok met ekkewe ekkoch chon sukuun re kan angei rese fiti ekkei urumwot, me pwan saspun seni ekkei urumwot non ukükun 3 wik fiti fengen me epwe chek non ewe ewin fansoun an atai ekkei önnuk ika mei fen angei ekkewe safei mei ngaw.

Ussun met mei affat me non ewe Salem-Keizer School District Policy INS-A014, pwe mei tichik an emon chon sukuun epwe angei 2.0 poin me non nöun progress report an epwe tongeni fiti ekkewe urumwot faniten pekin pwan sukuun ika kääö. Ei önnuk mei chok wewe ngeni ewe Student Athlete Expectations: High School (met ewe high school e mochen emon chon urumwot epwe föri).

## CHEKIN EKKWE LOCKER ME PISEKIN CHON SUKUUN

An ewe sukuun ekkewe lockers me chepen, me mei nom fan nemenien ekkewe chon tumwunu ewe sukuun fiti mwumwutan an chon sukuun repwe tongeni ää. Ekkewe sukuun mei ani öurekin ika pwe ekkewe chon sukuun re isois ekkewe mettoch mei atai önnuk me ika rese tumwunuöchu ekkewe pisek. Anóngónóng won ewe pwüüng ika önnuk ren chekin pisek (ika pwe mei wor öumöum pwe mi wor pisek mi atai önnuk), epwe wor chek non pisekin chon sukuun me ekkewe lockers repwe suuk anóngónóng won an ewe meinap non ewe sukuun finata non wenechar, non fansoun mi öch, ar repwe katonfichi.

## CHITOSA IKA TORAKU

Chon sukunen high school iir mei tongeni wawato war kewe chitosa ngeni sukuun me pwan seni sukuun. An sukuun kewe ekkoch önnuk, ra men pwan öchea pokiten naffangawen nenien park, tumwunun an esapw wor feiengaw me tumwunun ekkewe pisekin sukuun, me an pwan osukosuk sukuun ren. Ewe Kinikin mei tongeni angei niwinin parking. Ese mwumwuta an ekkewe chon sukuun repwe sä won war kewe chitosa atun kunökun sukuun, pachonong atun mwöngön nanowas nge rese angei ar mwumwuta seni ewe principal non ewe sukuun. Ewe sukuun mei tongeni öukatw seni ewe chon sukuun an epwe chiwen uwow chitosa ngeni sukuun ika pwe e atai ewe önnukun uwow chitosa. Ese mwumwu ngeni ekkewe chon sukunen middle ar repwe uwow toraku ika chitosa ngeni sukuun.

Wisen ekkewe sam me iin ar repwe makkei taropwen ewe waa non ewe ofesin sukuun me mwen ewe chon sukuun epwe tongeni uwei ika unteng ngeni sukuun. Ekkewe chon sukuun ra ier 18 ra tongeni pwsin föri taropwen ewe waa me non ewe ofes. Chon sukuun repwe föri önnukun ewe sukuun ren pekin uwow toraku fansoun ar nomw non ewe nemenien sukuun.

## ESAPW WOR APAAP IKA AIMWUMWU

Ussun chok met mi fen öpwönuweta ne fori faniten ewe Title IX, ewe Kinikin Salem-Keizer ese awora apaap ika aimwumwu, mei pachonong

ösufönungawa inisin emon non kapas me föfför ika mwökütüküt, anóngónóng won emon met ika niemet non an kewe prokram me urumwot ika mwökütüküt me inisin, pachonong sukuun, angang, undokai, me ekkewe urumwot söpwosöpwun kääö.

Pwan ew, önnukun ekkewe sukuun non Salem-Keizer ar resapw awora apaap ika aimwumwu ika manangaw ngeni emon me emon ika ngeni ekkewe chó anóngónóng won ier, onuwen inis, an nuku, terin, mei pupunu ika nipich, seni ia, sökkun, namanam, nonómwun won met an efich ika mochen nomw ren (mwan ika fefin).

Ka tongeni nöunou ewe form (HUM-F033) online ika mei wor omw otutur. Ka pwan tongeni köri ewe ofesin Office for Civil Rights (OCR). Kose mochen kopwe katon fan ei ika pwe ke mochen sinei söpwosöpwun porausen ewe Title IX, an ei kinikinin sukuun kewe anapanap ika wiwi, önuuk, me nenien awora aninis.

Ion aramas mei wor an kapaseis faniten nönnöpök me apaap ika nifinifin epwe kori:

John Beight, Title IX Coordinator/Executive Director of Human Resources, 503.399.3061, beight\_john@salkeiz.k12.or.us.

## MET EWE CHON SUKUUN EPWE FÖRI NUPWEN A NÓ NGENI SUKUUN ME NÓ SENI SUKUUN

Ewe sukuun a men fokkun öureki ika ekieki tumwunun manawen me sórosórun ekkewe chon sukuun fansoun ar feino ngeni me nó seni sukuun me pwan ekieki tumwunun pisekin ekkewe chon nomw arun ewe sukuun. Me inisin chon sukuun ir mei feino ngeni me nó seni sukuun ra nomw fan nemenien ewe sukuun me ewe District Discipline Policy and Rule.

## PWÜÜNGÜN KATON NÖUN EWE CHON SUKUUN TAROPWEN SUKUUN.

Non ewe District Procedure INS-P022 mei affata pwe sam me iin ika ewe chon tumwun me pwan pusin ewe chon sukuun, mei wor ar pwüüng ar repwe:

1. Oururu me katonöch nöun ewe chon sukuun kewe taropwen sukuun.
2. Tungor epwe wor ekkesiwin ika pwe ese pwung porausen an sukuun me mwaninö fetanin ika fen osukosuka nonómwun ewe chon sukuun me an pwüüng.
3. Mwatata non taropwe kapasen pwaratā fan iten porausan tiwan chok met mei nom non ewe önnuk pwe ese pwan wor namoten angei mwumwuta won pwan ekkoch pekin.
4. Anóngónóng won ewe Oregon Administrative Rule 581-021-0410 (ew önnuk), ka tongeni föri taropwen otutur ren ewe United States Department of Education. Ena taropwen otutur epwe affata pwe ewe Kinikin ese osufönu ewe önnuk ren an famini pwüüng faniten sukuun me pwan ewe önnuk ren mwönómwönun porausen ewe chon sukuun (Family Educational Rights me ewe Privacy act).
5. Angei echö kapin ewe District Procedure INS-PO22. Ei önnuk a kawor me non ew me ew ekkewe sukuun, a pwan nom non an ewe meinapen ewe neni we ofes me pwan won ewe website an ewe District ika Kinikin.

Sam me iin ika ion ewe a wisen tumwunu ewe chon sukuun ika pusin ewe chon sukuun mei fich ngeni, mei mochen epwe katon ekkewe poraus fan iten an sukuun, iwe epwe otouranong an tungor ngeni ewe principal ika ion ewe a wisen fin pwe epwe angang won.

## FITI SUKUUN

Ekkewe sukuun non ei kinikin Salem-Keizer ra pwan pwe repwe awora ew pekin osukuun mei nönnöpök ngeni chon sukuun me inisin. Emon chon sukuun epwe fokkun söpwöch non an kääö ika pwe an sine me an fiti sukuun repwe tipew fengen. A fokkun öchea an emon chon sukuun

epwe fiti ew me ew an kewe class non fansoun för kreit ren an epwe tori an kewe goals me met ekkewe repwe tori me non ewe class.

Wewen ei föös fiti, an emon chon sukuun nomw ika ese nomw non sukuun. Ew etiwano sukuun mei mwus ewe mei ketiw meren ewe principal ika ewe a wisen äni ei angang, nge epwe seni ekkei mei affateti: an chon sukuun samaw, met mei atapwan, mei wor tungorun me mwan, ika ren ekkoch popun mei ketiw. Ew atun etiwano sukuun mi nomw non tettenin ese mwus, ew chok nein etiwano sukuun nge ese wor popun me ika esapw ew ranin asösö ika holiday, ewe chon sukuun mei tongeni epwe angei emmirit ika öpwung ren.

Emon me emon ekkewe principal me nön kewe chon angang ra wisen föri ei angang repwe föri me ömwokutu ew önnukun fiti sukuun me ifa ussun mwökütükütin mei pachonong met ewe sukuun e mochen ewe chon sukuun epwe föri me epwe öpöchökuna ika pesei fiti sukuun. Ew me ew sukuun epwe anapano me anganga ew önnuk faniten mang ngeni sukuun. Ewe kinikin epwe esinesin ngeni ewe sam ika iin ika iö we a wisen tumwunu ewe semirit ika pwe ewe chon sukuun ese wareiti sukuun me ese fat ika met popun an etiwano sukuun. Tungorun an esapw fis öpwung ika emmirit faniten an ese mwus (unexcuse) ekkewe fansoun etiwano sukuun epwe för seni ewe angangen otutur an ewe kinikin.

Pwan ew, ewe meinapen non ewe sukuun ika ewe a fin an epwe äni ei angang epwe esinesin ngeni ekkewe sam me iin ika ewe a wisen tumwunu ewe semirit won an ewe chon sukuun ewe ese fiti sukuun me ese pwünpwünpüngöch an wareiti sukuun. Ika pwe mei chok söwosöpwonó an ese war (ese fiti sukuun) ika pwünpwünpüngöch an wareiti sukuun (etiwano sukuun esopw ran fan wanu ese wor popun, ika met mei taitap ngeni, non ükükun ruwanu week), meinapen ewe sukuun ( ika iö we a wisen ani ei angang) epwe awora echö taropwen esinesin epwe eiti ngeni ika epwe certify ni iwe a tinano ngeni ewe sam ika iin ika iö we a wisen tumwunu ewe semirit pwe ewe semirit epwe nomw non sukuun non ewe ran mwurin an a tori ewe taropwe me epwe söpwenó tori mwuchunón ewe ierin sukuun.

Ika pwe ewe sam me iin ika ewe chon tumwunu ewe semirit rese öpwönuweta met ewe a esinesin ngenir, iwe fan pwünpüngü ewe önnuk ORS 339.925, ewe principal ika ewe a wisen föri ewe angang, repwene makkei echö taropwe ngenir (non föösun fönuwer) pwe: Ewe sam ika ewe iin ika ewe a wisen tumwunu ewe semirit me ewe semirit repwene mwich fengen me meinapen ewe sukuun ar repwe poraus won ei napanap ika osukosuk; ewe sam ika iin ika ewe a wisen tumwunu ewe semirit epwe atononga nön we at ika nengin me önkünükü pwe mei wareiti sukuun iteiten atun sukuun me ounusa an atun sukuun; mei atai ewe önnuk (Class C) ika pwe ese wanong, tinano me tumwunu ngeni an sukuun. Ika pwe mei chok söpwsöpwonó an ese wareiti sukuun me pwünpwünpüngöch ranin wareiti sukuun, iwe ewe chon nemeni ewe sukuun ika ewe a wisen anganga epwe wauw echö tikit ika taropwen köpwung ussun met mei fiti ewe önnuk ORS 339.925. Ika pwe e fis ngeni emon chon sukuun a watte ierin ekkewe sam me iin ika ewe chon wisen tumwunu rese tongeni nemeni, iwe epwene nó ngeni ekkewe ponis re kan wisen angang ngeni semirit.

## KUTTA ME ÖMWÖCHÓNÓI (INS-A015)

Mei wor an ekkewe meinapen non ewe sukuun pwünpüng ar repwe föri ar angangen kut non pisekin ewe Kinikin kewe me pwan pisekin chon sukuun anongónong won met ewe re ekieki pwe mei wor, me ra pwan tongeni angei met ekkewe ese mwumwutá epwe wor non ewe sukuun, mei atai önnuk me pisek mei efeingaw, me ika pwe epwe efeingawa ewe sukuun. Inet chok a tufich, epwe poputa ewe angangen chek nge epwe seni an ewe chon sukuun mwutatai me ii epwe pwan nomw non na atun kut. Ika pwe mei wor ekkewe pisek ese mwumwutá, atai önnuk me mei efeingaw, iwe ekkewe meinapen non ewe sukuun repwene pusin finata ika menni nein ekkei kókkót repwene föri: Angei ekkewe pisek mei atai önnuk; repotei ngeni ponis; anganga ewe district discipline policy and procedure. Iteiten ier epwe wor esinesin ngeni sam me iin, chon sukuun, chon angang me ewe mwichen aramas pwe epwe wor angangen kut an ekkewe konak non ekkewe pisekin sukuun me ika pwe meinapen ewe sukuun epwan nuku

nge mei wor ekkewe mettoch mei atai önnuk mei etto seni ekis ika touu ngeni ekis chon sukuun ra isoni non pisekin sukuun kewe, ren ekkei popun sipwene ngeni ekkewe konak repwene chok föri ar angangen kut.

## SPECIAL EDUCATION CHILD FIND (KÄEÖ FANITEN EKKWE MEI WOR TERIR)

Meinisin chon sukuun, seni ekkewe re keran uputiw tori 21 ier ra tongeni ar repwe fiti ekkewe sukuun mei för faniten ekkewe mei wor terir. Chon sukuun ra fin anóngónong won ewe anapanap ika önnuk mei for seni ewe ioien onnuk, me ew me ew ekkewe state ra wisen ömwökutu me fan emwenien ewe Putain Sukuun.

Ekkewe kinikin sukuun repwe fokkun kutta me nengeni meinisin ekkewe semirit mei wor terir, inamwo ika mei watte terin ewe, ekkewe iir mei need ar repwe angei sukunen mei ter me iei.

Nupwen emon chon sukuun a kan referred ngeni ei pekin, iwe ekan akkoumw fis ar repwe nengeni ika tessini ewe chon sukuun. Ei angangen refer e akkoum poputa me non an ewe chon sukuun we wesetan sukuun. Ekkewe chon angang iir mei trained non ei pekin repwe awesi met ra nengeni ika katon me won ewe chon sukuun, awora ew fansoun ar repwe nengeni ika katon met ewe e förata an ewe semirit we osukosuk, me angei poraus seni ekkewe ekkoch neni. Äkkaewinin angangen katon ika nengeni emon semirit, ekkewe sam me iin ika chon tumwun repwe mwutata me sain pwan weweiti met ewe epwe fis. Sia men mochen an epwe wor mefien ekkewe sam me iin ika chon tumwun non meinisin angangen tessini ika nengeni ewe semirit.

## ÄN PONIS CHOSANI CHON SUKUUN

Mei tufich an ekkewe ponis repwe chosani chon sukuun me non ewe nenien sukuun. Chon angangen non ewe sukuun ir mei tongeni esine ngeni ekkewe sam me iin ika chon tumwunu ewe chon sukuun won met ewe mei fis ika pwe ekkewe ponis re mwutatai

## MÖMÖ ME NIIWIN (INS-A012)

Chon sukuun, iner me semer ika ewe a wisen tutumwunu repwe äni maratan niwinin ekkewe puken sukuun mei pötuno ika ta.

Ewe Kinikin epwe ioni ekkei niwinimang anóngónong won ükükun met mei affat me non ewe önnuk (Oregon State statute).

Mömö me pakking ese kamötiw, me ika ese siwin ekkewe pisek mei ta ika pötuno, iwe epwene iei ussun: ewe chon sukuun esapw tongeni an epwe fiti ekkewe urumwot ika mwökütüküt me ika mwökütükütin sukuun pachonong ekkei, nge esapw chok ikkei, ekkewe fansoun mei öuche, ika atun an chon sukuun chuffengen me ika ekkewe mwökütüküt faniten sochungio, atun urumwot, me atun pwörük an chon sukuun (pachonong prom). Ewe sukuun epwe föri pwungun önnuk, pachonong an epwe uwei ngeni collection ika awora echö taropwen otutur ngeni köpwung mwirin an tour esinesin ussun met mei fen affat me non ewe önnuk ORS 339.270.

## ETIWE MWÄNIENÓ SUKUUN ME NÓMWONONG NON IMW

Keizer mei awora önnukun su seni class ika etiwano sukuun nge ese wor mwumwután. Ei önnuk mei eppetü an ekkewe kükkün semirit (nefinen 5 me 18 ier) ar repwe nomwefetan non ekkewe neni atun sukuun, me mei pwan ökükünatiw ranin etiwano sukuun me ekisatiw föfföringaw. Ika pwe ranin an ewe chon sukuun fiti sukuun ese pwünpüng, iwe ewe Kinikin epwene nenengeni ika epwe met popun me pwan esine ngeni ekkewe sam me iin ika ewe chon tumwun, me öpwünpwünpüng ika met sakkun kókkót epwe anisi ei osukosuk. Ewe Kinikin a tongeni epwe kóri ika ngeni ponis ar repwe eiti ngonuk noumw tikit ika taropwen köpwung ükükun mömön mei etta ngeni \$200.

*Ekkei pwuk mei sisiwin me ökköchunó. Chon nönou ei pwuk repwe nó ngeni an QAM we website ar repwe katon ena mei chok minafö.*